

備急灸法



R

7144/22

備急灸法

宋 聞人耆年等著



人民衛生出版社影印

51.277

法 灸 急 備

書號: 1838

開本: 787×1092/32

印張: 2 $\frac{1}{2}$

宋 聞 人 耆 年 著

人 民 衛 生 出 版 社 影 印

(北京書刊出版業營業許可證出字第〇四六號)

北京崇文區綏子胡同三十六號。

北京市印刷四廠印刷·新華書店發行

1955年11月第1版—第1次印刷

印數: 1-6,500 (北京版) 定價: 0.31 元

出版者的話

我國固有醫學文獻極為豐富，它是祖國寶貴文化遺產的一個重要組成部分，是我們祖先以卓越的智慧將歷代積累的經驗總結出來的成果，直到現在它還有很大的實用價值。我們必須繼承和發揚這份文化遺產，認真學習和研究它的學理和實踐經驗，用科學方法加以整理總結，以提高它的學術水平，不僅有助於我國人民保健醫療事業的發展，並且能豐富現代世界醫學的內容。

爲了配合學習和研究祖國醫學的需要，本社特選印一部分古典醫學原著，其內容均係依據古本原樣未加改動。由於著者在寫作當時受歷史條件的限制，缺乏系統的科學論證，而且由於長期的封建社會和近百年來半封建半殖民地社會的束縛，因而也就限制了它的發展和提高。這類文獻如能全面加以整理，使之成爲更好的科學讀物，當然是最理想的。但這些工作還不是短時期內所能做到的。因此希望讀者以正確對待文化遺產的態度，來學習和研究祖國醫學，吸取其合理部分，去掉其不合理部分，並加以繼續改進和提高，則我們祖國這一寶貴的文化遺產定可發揚光大，定可更有效地爲人民服務。

內容簡介

「备急灸法」一冊，不分卷。原書為宋代聞人耆年著。

全書主要內容是針對常見的二十幾種急性疾病，以有效的灸療法，作出經驗介紹，敘述得非常樸實簡要。

書中並附有生動圖像十餘幅，如屈指量穴位法，朱點穴位法，騎竹馬灸法，以及全身主要灸穴位置等，實一般針灸書所少見。因而本書對於有志研究針灸學或初學針灸學者，都有很大幫助。

書末附載竹閣經驗備急藥方。內中除包括四十多個驗方外，還有薰喉療法。

此書是根據十辦同心蘭室仿宋本斷句影印發行。

十辨同心蘭室藏版

余十有三歲而失所怙母氏

為愛踰四十無所域自謂膝



樂有足以盡此身者忽抱終天之

恨淚涸而痛不定試為陳之母氏

素患頸風歲十數作二必嘔痰加

以昏眩因得默齋撫幹州父烏

辛祭方於是作少踈雖作亦易愈
近時烏附不易得每聞入京有便
必以買川烏為先或它出亦預合
數服以進前數年或鼻塞不通或
脾弱無味隨證審方儲材合劑或
丸或散朝搆暮成未嘗敢求諸市


肆然頭風則年餘不作矣矧又飲食頻忤但覺肺力微怯歲旦家常茹素飯則盡挽羹亦稱美鄉私謂吾母今年七十而胃府如此眉壽何疑者越八日忽有小红粟粒發右耳旁次日右頰右目頗腫命醫

視之用藥敷貼膿毒漸出謂可徐
二抽減謹重太過專守頭面不可
妄施針砭之說有令灸三里穴下
抽者醫持不可未幾其腫愈堅似
瘡而根則大如癰而反無膿外不
熱而內不疼旬日後始寢甚矣吾

母至謂鄰曰汝抄方嗜藥胡為不
曉此證倉忙中罔知所措更醫亦
云無策母氏神識了然以至不救
日月不居俄至車哭客有携示蜀
本灸經與竹馬灸法者備述剋驗
內有鬚疽丁癰乃知咸有灸法而

竹馬一法則諸證無不治痛哉痛
哉何嘆及矣邇平時每患風在頭
目猶謂老人脫有隱疾可以延壽
幸而頭風已痊又孰知危證之竊
發喜未幾而痛同極哉此所以仰
天槌心而嘔血也世有此方吾不

蚤得而見之吾母不存而其方則
存其方存而後之人有蚤得而見
之者庶幾乎吾母雖無及而猶及
人也遂與烏宰祭方併刊以傳焉
吾母山陰博古石氏也淳祐乙巳
五月朔孤學鄉貢進士孫炬卿序



序

韓昌黎曰善醫者不祝人之瘠肥察其脈
之病否而已矣脈不病雖瘠不害脈病而肥
者死矣然世有癰疽發背之疾其起也漸
其發也烈人往往忽於微芒而昧於不自覺一
旦發暴盛腫猝不及治若再誤於腐藥糜
有不戕其生者豈必窮鄉委巷聚藥以求
奇疾乍嬰徒嗟束手余愧不知醫人每念
及此未嘗不怒焉傷之貴陽陳衡山龔尹
嗜古篤學尤喜搜石渠金匱之書曾於



扶桑都市得南宋孫炬卿舊刻團練使張公渙所著備急灸法一毫以畀余曰此灸法中國不甚概見蓋以再失其傳耳食者習焉不察每易忽之苟得此編按圖點穴如法施灸則消患未忽化報為易其方藥味去多見功甚速誠為濟世救人之寶筏余嘗攷鍼灸科居十三科之一宋熙寧元年間特置提舉判官設科以教之當時已流行如砂其應效有可想見者細繹此卷覺男女老少童穉

內外雜症無不可療其中騎竹馬灸法之
良更他人所未及論抱朴子云百家之言
與經一揆譬操水者器雖小而救火同焉
施灸者術雖殊而救疾均焉况返死回生
如灸法之神且速耶良友鍼砭之授以
自秘爰將原本並余所得鍼灸擇日編一
併付梓俾廣流傳以副衡山滿世深心
此二孝流芳東瀛垂教百載幾多知者今
復歸之中國編起沉疴庶知廣陵散猶
在人間也

光緒十六年歲次庚寅仲夏上杭羅嘉杰
少畊氏識於日本橫濱理廨



備急灸法



寶慶丙戌正月望

杜一鉞防禦壻李聞人

耆年述

古人云。凡爲人子而不讀醫書。是謂不孝。則夫有方論而不傳諸人者。寧不謂之不仁乎。然方書浩博。無慮萬數。自非夙昔究心。未易尋檢。本朝名醫團練使張渙著雞峯普濟方外。又立備急一卷。其方皆單行獨味。緩急有賴者。張公之用心。其可謂切於濟人者矣。僕自幼業醫。凡古人一方一技。悉講求其要。居鄉幾四五十載。雖以此養生。亦以此利人。僕今齒髮衰矣。每念施藥惠人。力不能逮。其間惠而不費者。莫如針艾之術。然而針不易傳。凡倉卒救人者。惟灼艾爲第一。今將已試之方。編述成集。鋟木以廣其傳。施之無疑。用之

有效。返死迴生。妙奪造化。其有稍涉疑難之穴。見諸圖書。使抱疾遇患者。按策可愈。庶幾少補云。

諸發等證

附石癰

腸癰

丁瘡

附骨疽

皮膚中毒風

卒暴心痛

轉胞小便不通

霍亂

轉筋

風牙疼

精魅鬼神所淫

夜魘不寤

卒忤死

俗謂鬼打衝惡也

溺水

自縊

急喉痺

鼻衄

婦人難生

小腸氣


一切蛇傷

犬咬

狂犬咬毒

屈指量寸法例

以薄竹片或以
蠟紙條量手中
指中節橫文取
上下截齊斷爲
一寸男左女右



諸發等證

一

葛仙翁刻石江陵府紫極宮。治發背發肩發髭發鬚發助及一切惡腫法。已上數種。隨其所發處名之也。其源則一。故灸法亦一本。然數種中。死人速者發背也。其候多起於背胛間。初如粟米大。或痛或痒。色赤或黃。初不以為事。日漸加長。腫突滿背。疼痛徹心。數日乃損人。至此則雖盧扁不能治矣。惟治之於初。皆得全生。其餘數種。皆依法早治。百無一死。凡覺有患。便用大蒜切片如錢厚。如無蒜用淨水和泥捻如錢樣用之貼在瘡頭上。如瘡初生便有孔不可覆其孔先以藁豆大艾炷灸之。勿令傷肌肉。如蒜焦更換。待痛稍可忍。即漸放炷大。又可忍。便除蒜灸之。數不拘多少。但灸至不痛即住。若

住灸後又腫又痛。即仍前灸之。直候不腫不痛。即住。每患一箇瘡。或灸三百壯。五百壯。至一二千壯。方得愈者。亦有灸少而便愈者。若患三五箇瘡。並須各各依法灸之。灸後不腫不痛。則愈矣。男女同法。孫真人治石癰。亦如此法灸之。石癰者。其腫發至堅如石。有根。故名之也。灸之。石子當碎出。即愈。

此係當頭用大蒜灸法。議論互見後竹馬灸法中。


腸癰 二

孫真人治腸癰法。去。腸癰之證。人多不識。治之錯。則殺人。其證小腹重而硬。以手抑之。則小便如淋狀。時時汗出而惡寒。一身皮膚皆甲錯。腹皮鼓急。甚則轉側聞水聲。或繞臍生瘡。或臍孔

膿出。或大便下膿血。凡有此證。宜速灸兩肘大各百炷。炷如菽豆大。則大便當下膿血而愈。依圖取穴。

圖形

男女同法



丁瘡 三

黃帝岐伯孫真人治丁瘡法。丁瘡者其種甚多。初起皆一點突如丁蓋子故名之。發於手足頭面者其死更速。惟宜早灸。凡覺有此患。便灸掌後四寸兩筋間十四炷。依圖取穴。

男左女右

圖形



附骨疽

四

黃帝岐伯孫真人治附骨疽亦如治丁瘡法灸之其附骨疽者無故附骨而成膿故名之多發於四肢大節筋間虛人及產婦偏發腿胫間其候先覺痺重或痺疼或只烘烘然肌熱動搖不便按之應骨酸痛經日便覺皮肉漸急洪腫如肥人狀多作賊風風腫治之因循多致死凡有此患宜早灸之依丁瘡圖子取穴灸之男左女右

圖子見前丁瘡門

皮膚中毒風

五


張文仲孫真人姚和衆治皮膚中毒風法毒風之病其候忽然

遍身痛。痒如蟲齧。痒極搔之。皮便脫落。爛壞作瘡。凡有此患。急灸兩臂屈肘曲骨間各二十一炷。依圖取穴。

男女同法

即曲池穴是也

圖形




卒暴心痛



甄權治卒暴心痛。厥逆欲死者。灸掌後三寸兩筋間。左右各十四壯。依圖取穴。

男女同法

圖形



轉胞小便不通 七

葛仙翁。徐嗣伯。治卒胞轉。小便不通。煩悶氣促。欲死者。用鹽填臍孔。大艾炷灸二十一炷。未通更灸。已通即佳。

男女同法

霍亂 八

葛仙翁。治霍亂已死。諸般符藥不効者。云。此法特異。起死回生。不在方藥。大抵理趣精玄。非凡俗所知。急灸兩肘尖。各十四炷。炷如菽豆大。依圖取穴。

男女同法

此灸穴與前項孫真人治腸癰穴同

圖形已見前腸癰門

霍亂轉筋 九

孫真人治霍亂轉筋及卒然無故轉筋欲死者灸足兩踝尖各三炷。炷如菉豆大。轉筋在股內灸兩內踝尖。轉筋在股外灸兩外踝尖。踝者即俗稱脚塊子是也。

男女同法

風牙疼 十

葛仙翁陶隱居治風牙疼不可忍不能食者灸足外踝尖三炷。炷如菉豆大。患左灸右。患右灸左。


男女同法

足踝備載明堂灸經

精魅鬼神所淫

華佗治精魅鬼神所淫。癲邪狂。諸般符藥不効者。用細索併兩手大指縛之。灸三炷。每炷着四處。半在肉上。半在甲上。一處不着。則不驗。灸之當作鬼神語。詰問其畧。即解脫之。令去。其人遂甦。依圖取法。男女同法。

圖形



夜魘鬼不寤 十二

葛仙翁陶隱居孫真人治魘死法云。凡夜魘者。皆本人平時神氣不全。卧則神不守舍。魂魄外遊。或爲彊邪惡鬼所執。欲還未得。身如死尸。切忌火照。火照則魂魄不能歸體。只宜暗中呼喚。其有燈光而魘者。其魂魄雖由明出。亦忌火照。但令人痛齧其踵。及足大指甲側即活。痛齧即重咬踵即脚跟也皂莢末吹入兩鼻亦良。經二更不活者。灸兩足大指上各七炷。炷如菽豆大。依圖取法。婦人札脚者。此穴難求。宜灸掌後三寸兩筋間。各十四壯。此穴即前項甄權治卒暴心痛穴也。各依前圖取之。

圖形



卒忤死法 十三

扁鵲孫真人治卒忤死法

忤死即今人所謂鬼打衝惡尸厥也

急以皂角末吹入兩鼻

即活若經時不活急灸掌後三寸兩筋間各十四炷此穴即前穴甄

權灸心痛者是也圖子見前訖如身冷口噤者灸人中三炷炷如

粟米大依圖取法

男女同法

圖形



溺水

十四


葛仙翁孫真人救溺水死用皂角末吹入穀道中。皂角無但解開衣服灸臍孔三五十壯水從穀道中出即活此法治溺水經一宿猶可活又孫真

人去。冬日落水。冷凍身強直。口眼閉。尚有微氣者。用罏灰二斗。鍋內炒令煖。以布三五重煖裹熱灰。熨其心頭。灰若冷可即換。熨得心煖。氣通。目轉。口開。以溫薄粥令稍稍嚥。仍依前法灸之。即活。若不先熨煖其心。便向火爐逼之。則身中冷氣與火氣爭。即死。切宜戒之。

自縊十五

太倉公孫真人救自縊死法云。凡救自縊者。極須按定其心。勿便截繩。當抱起解之。其心下尚溫者。先用皂莢末吹入兩鼻。用舊氈一片蓋其口鼻。令兩人用竹筒極吹兩耳。即活。又扁鵲法。用梁上細鹿筋許。入四箇竹筒內。令四人各執一箇。同時吹兩鼻兩耳。用力極吹。更灸手足大指橫紋中各七炷。即活。依圖取穴。如婦人乳足者。只灸兩手大指上二穴。


圖形



急喉痺 十六

孫真人甄權治急喉痺。舌強不能言。須臾不治即殺人。冥急於兩手小指甲後各灸三炷。炷如粟豆大。依圖取穴。男女同法。

圖形



鼻衄^{十七}

徐文伯治卒然鼻中血出不止

病名鼻衄

用細索如左孔衄縛右足右孔

衄縛左足各小指兩孔俱衄則俱縛兩足各小指

如婦人扎脚者縛膝腕


若衄多

不止者握手屈大指灸骨端上三炷炷如粟米大依圖取法

男女同法

右衄灸左左衄灸右

圖形



婦人難生

張文仲治橫產手先出者。諸般符藥不効。急灸右脚小指尖
三炷。炷如菽豆大。如婦人札脚。先用鹽湯洗脚。令溫。氣脉通
疏。然後灸。立便順產。

圖形



小腸氣

孫真人甄權治卒暴小腸疝氣疼痛欲死法灸兩足大指上

各七炷炷如菉豆大

此穴即是前葛仙翁陶隱居孫真人治驚死穴也依圖取穴灸之可即愈

圖子見前治魘死門

一切蛇傷

孫真人治一切毒蛇咬法急於新咬處灸十四炷則毒不行如無艾處只用紙撚熱之極痛即止

又夏月納涼露卧忽有蛇入口挽不出者用艾灸蛇尾即出如無艾火處用刀或磁礮周匝割蛇尾截令皮斷乃將之皮脫肉脫即出

又方。割破蛇尾。入蜀椒三二顆。即出。

治犬咬

廿一

歧伯。孫真人。治凡犬咬法。即令三姓三人。於所咬傷處。各人灸一炷。即愈。

治狂犬所咬

廿二

孫真人。治狂犬咬法。春末夏初。太多狂獠。其時咬傷人至死者。世皆忽之。不以爲事。其被咬人。則精神失守。發爲狂疾。諸般符藥治療。莫過於灸。便於所咬處。灸百炷。自後日灸一炷。不可一日闕。灸滿百日。方得免禍。終身勿食犬肉。蚕蛹。食之。毒發即死。又特忌初見瘡。較痛止。自言平復。此最可畏。大禍。

即至死在旦夕。若被咬已經三四日方欲灸者。視瘡中有毒血。先刺出之。然後灸。

右諸灸法皆救倉卒患難。所有人神血支血忌及大風大雨病人。本命並不避忌。務發敬信心。疾速檢用。得此本能多多轉授他人。庶幾與我同志也。

騎竹馬灸法

治發背腦疽。腸癰牙癰。四肢下部一切癰疽。丁瘡。魚臍鬼箭癰疽等。或胃腹不測。風痺腫瘤。緊硬赤腫。惡核癰癰。發妳之屬。先令病人凭几曲手。男左女右。看臂腕節中間有一偃孔。令把臂相對者。以朱點定了。有圖在後第一次用挺直其臂。如持弓之直。却見先來用朱點定偃孔處。正在臂節橫紋上。就以篋自橫紋貼肉量。至中指肉尖而止。不過指爪。有圖在後第二次用屈中指側看中節。有兩斜橫縫。就用篋厭定截斷。此是一寸。湏量橫紋各一。則乃各一寸也。有圖在後第三次用竹扛一條。兩卓子前後閣起。以氈褥被帛等藉定令穩。令病人脫去襯衣。解開袴帶。騎定竹扛。用身壁直。靠尾間骨。坐于竹扛上。兩足懸虛。俱不要着地。懸身

正直要兩人左右扶定。勿斜側僵曲。要以尾間骨正貼在竹扛上。却就竹扛上用初頭自臂腕量至中指肉尖。竹篾子自尾間骨量上背脊之心。盡其所厭之篾而止。却用前所厭橫紋二寸。則子橫安篾盡處。用朱點定。兩頭是穴。相去各一寸也。有圖在後第四各灸五壯或七壯。艾炷及三分闊。以紙軸艾作炷。十分緊實方可用。壯數不可灸多。不問癰生何處。已破未破。並用此法。灸之無不安愈。蓋此二穴。心脉所起。忽遇點穴近瘡。或正在瘡上。不問遠近。只要依法灸之。切莫生疑。凡癰疽只緣心火流滯而生。灸此二穴。心火即時流通。不過三日。可以安愈。可謂起死救危。有非常之功。屢施屢驗。蓋素問云。諸痛痒皆屬於心。又云。榮血不調。逆於肉理。則生癰疽。榮者血也。衛者氣也。心能行血。心既留滯。則血為之不行。故逆於肉理而生癰腫。灸此二穴。心火

調暢血脈自然流通勝於服藥多矣。灸罷謹口味戒房事。依法將理。

依前法一灸七壯了。經半日許。灸瘡內流水甚多。覺火氣遊走。周遍

一身。蒸蒸而熱。再視正瘡。腫已消減五六分矣。至第二日五更。艾火

盛行。咽喉焦枯。口舌乾燥。小便頻澀。四肢微汗。略覺煩燥。當是艾

火流通使然。遂投乳香菴豆托裏散。方在後兩匙頭許。專防毒氣不

入心。及國老膏一服。方在後良久諸證漸漸釋去。視其瘡腫。已消。第

三日果安愈矣。但灸瘡。覺發異常。如虫行狀。流清水四五日方定。此誠

可謂活人良法也。仍服五香連翹湯。方在後此以疎散鬱毒之氣。甚則轉

毒散。方在後或凡黃元以防毒內攻。方在後更在識輕重緩急。分陰分陽

而服藥。或膠醋熨散。或膏藥塗貼。如外科常法治之。醋熨法在後

先曲手。看臂腕節中間有一偃孔。便是臂節橫紋端的中心。
令對坐。把臂之人以朱點定。


第一 圖形




次用挺直其臂。如持弓之直。却見先來用朱點定偃孔處。正在臂節橫紋上。就以竹篾自橫紋貼肉量。上至中指肉尖而止。不過指爪。

第二

圖形



次用屈中拍側看中節屈處有兩斜紋。此是量寸法所用。
兩頭各一寸之。則以薄篋量二寸。折斷篋。



第三
圖形

次解衣袴等。用身壁直。靠尾間骨。坐于竹杠上。兩足懸虛。俱不着地。要兩人扶坐。以尾間骨正貼在竹杠上。却就尾間骨上。用初頭竹篾子量。上脊背之心。盡所量之篾而止。用朱點定了。却用前所量三寸。則子橫安點處。兩頭是穴。

次用紙軸艾。令實切爲艾炷。身壁直坐。即安艾炷。難安時。微用津唾占粘之。畧才曲身。其穴便差。切不可曲身。

第四圖形



江西傳得元本云。余既躬獲異効深。願家家自曉。人人自理。不陷枉亡。亦仁人之心也。每恨嬰此疾者。輕委庸人。束手待斃。余目睹耳聞。不知其幾人矣。此灸法流傳數十載。但人每意其淺近而忽之。且以其灸法之難。或疑而已之。今親獲異効。尋窮其原。如秦緩視晉侯之疾。確然知其有育之上膏之下。然攻達之難。藥石所不至。寥寥千載。至唐而孫真人出焉。始洞徹表裏。垂法萬世。以膏育穴起人之羸疾。世皆稱驗。惟癰疽之酷。方論甚多。皆不保其全活。今予發明騎竹馬灸法之良。其殆孫真人發明秦緩膏育之絕學。庶幾脫人於虎口之危。而奔人之急。當如拯溺救焚也。膏育之灸。固爲良法。癰疽之灸。尤爲効驗。膏育但能灸背穴於未危之先。

而騎竹馬灸。實能脫人之危於將死之際。故不得不委曲而備論之。蓋此二穴正在夾脊雙關流注之所。凡人榮衛周流如環無端。一呼脈行三寸。一吸脈行三寸。呼吸定息。脈行六寸。一日一夜一萬三千五百息。晝夜流行。無有休息。故一日一夜。脈行周身。共計八百四十丈。此即平人常經之數。唯癰疽之疾。血氣流滯。失其常經。況人身榮衛循度。如河水之流。其夾脊雙關。乃流注之總路。如河之正道也。皆自尾間穴過。又復通徹百骸九竅。大絡布達膏腠。無所不周。灸法云。凡癰疽只緣心火留滯。素問云。諸痛痒癢。皆屬於心。又云。榮血不調。逆於肉理。則生癰腫。今此二穴。所以爲効者。使心火通流周遍一身。蓋妙在懸一身騎於竹扛之上。則尾間雙關。流注不

得。俟灸罷二穴。移下竹扛。其艾火即隨流注。先至尾閭。其熱如蒸。又透兩外腎。俱覺蒸熱。移時復流足湧泉穴。自下而上。漸漸周遍一身。竒功異効。蓋原於此也。且遍搜百家議論。皆以癰疽發背之患爲最慘。如治法則專以當頭灼艾爲先。儻一日二日。三四五日灼艾者。尚不保其全活。至十日已後。雖當頭灸之無及也。然此法似未盡善。惟騎竹馬灸法。雖經日危甚。不問癰生何處。已破未破。一例灸之。無不全愈。此法最爲間易。而効驗異常。真神仙垂世無窮之惠也。但恨得之之晚。慨念平昔。覩其長往者。哽然在念。今遇此良法。躬獲大驗。豈敢私秘。欲廣其傳。冀同志之士。見而勿哂。或好生君子。轉以濟人。其幸尤甚。

又云。余三十餘年。每見患癰疽發背之疾甚多。十中僅得一二活者。惟是着灸早。則猶有可治之理。儻始末不能灼灸。則瘡勢引蠱。內攻臟腑。甚則數日而致於不救。要之富貴驕奢之人。動輒懼痛。聞說火艾。嗔怒叱去。是蓋自暴自棄之甚者。苟不避人神。能忍一頃之灸。便有再生之理。自當堅壯此心。向前取活。以全膏體。不致枉夭。豈不誠大丈夫歟。

又云。癰疽發背。要須精加審度。療之於未危之先。庶收萬全之効。勿以勢緩而忽視。勿以勢急而惶惶。其勢既見。不問其他。便先要隔蒜當頭灸之。使毒發越於外。則不致內攻。殺人之速也。其患處當頭得灸。便成瘡口。良久火艾既透。則瘡口滋潤。或出惡水。痛勢

亦定。煎服五香連翹湯。縱使未能頓減。其勢亦少緩矣。更以騎竹馬法灸之。則隨即見効。若得疾已過七日。則不須用蒜當頭灸之。只用騎竹馬法灸之。仍服五香連翹湯。甚則轉毒散。立見効。此所謂要識輕重緩急也。

又云。余親以灸法灸人甚多。皆獲奇効。如遇灸穴在所發之疽相近。則其灸罷良久。便覺艾火流注。先到灸處。其効尤速。若離所發疽邊。則不甚覺其火氣流注。灸瘡亦發遲。然癰疽在左。則左邊灸瘡先發。在右。則右邊灸瘡先發。蓋艾火隨流注行於經絡。使然也。灸者宜預知此意。不須疑惑。但要依法灸之。使毒散越。不致內攻。便有向安之望。

又云。嘗究癰疽之作。皆積微而至著。及其熱之驟也。如山源之水。一夕暴漲。不能小決使導。乃築塞之勢。則大決傷人必多矣。勢既奔衝。治之宜急。苟徒以猛烈之藥。外塗肌肉。閉塞毛竅。使毒氣無所從出。是謂閉門捕賊。必有傷主之害也。法當自外以火艾引泄毒氣。然後分陰陽而服藥可也。分陰陽服藥說。備載紹興官庫所刊李迅與明州醫家所刊李世英癰疽方論。

菰豆乳香托裏散方。托毒氣不入心

菰豆粉一兩 乳香半兩

右爲末和勻。生甘草水調下。

國老膏方。使毒氣不入內

甘草

大者二兩細對長流水浸一宿揉令漿汁濃去盡筋滓再用絹濾過銀石器內慢火熬成膏以瓦器收貯

每服三匙和酒調服白湯調下亦得微利為度。

五香連翹湯方。

疎散鬱毒之氣

木香

三分不見火

沉香

三分不見火

連翹

全者去蒂三分

射干

三分

升麻

三分

木通

三分去節

黃芪

三分揀無文附者生用

丁香

半兩揀去枝不見火

乳香

半兩別研

大黃

微炒半兩對

甘草

半兩生用

麝

真者一錢半別研

獨活

三分買老羌活用

桑寄生

三分難得真者缺之亦可

右十四味為麁末和勻每服三大錢水一盞煎至七分。

去滓服併滓煎用銀器煎藥入銀一片同煎亦得。

轉毒散方。

利去病根不動元氣

車螯

紫背光厚者以鹽泥固濟
煨通紅候冷淨取末一兩

甘草

一兩
生用

輕粉

半錢

右一處為細末。每服四錢匕。濃煎瓜蒌一箇去皮煎酒一椀調下。五更服。甚者不過二服。

礬黃元方。

專托毒
不攻內

白礬

一兩
為末

黃蠟

半兩溶開
和白丸末

右旋為元如菉豆大。每服五十元。用溫酒和些煎熟。麻油送下。不以時候。

醋熨法。

夫成膿熨之則散
已成膿熨之則出

牛皮膠。銚中畧入水溶釋。攤刷皮紙上。中心開一圓竅。如此作數片。却以膠紙貼瘡上。就以竅子出了瘡頭。以

出毒氣。用好釀醋。以小鍋煮在面前令沸。用軟布手巾
段兩條。蘸醋更互熨之。用竹夾子夾上須乘熱蒸熨數百度。就

膠紙上團團熨不住手。紙破再換。如痒愈熨。切不可
痒而止。如有膿從竅中流。更自熨。歇落。熨三五日不
妨。時暫歇。熨時更以好拔毒膏藥貼之。仍出竅子以
泄毒氣。其熨時直候瘡上有血水來。痒止痛止。然後住
熨。或要住熨。而膠粘於背。可煎貫衆湯洗之。即脫。一面
熨了一面看陰陽證。隨證用藥。

此法甚簡。而功甚大。委有神
驗。切不可忽。釀醋即米醋也。

路斯馬藤酒

李氏方云。病癰疽人。適有僻居村疇。及無錢收買高貴藥材。只得急服路斯馬藤酒。不問已灸未灸。連服數劑。并用盒法。方在後候其疽破。即以神異膏。方在李氏集驗皆疽方論貼之亦屢用取効。應發眉發頤發背。但是癰發。盡量多服。無不取効。前後用此醫田夫野老。百發百中。

蘇沈良方云。路斯馬藤一名忍冬草。葉尖圓。蔓生。葉背有毛。田野籬落。處處有之。兩葉對生。春夏開。葉梢尖。面色柔綠。葉微薄。秋冬即堅厚。色深而圓。得霜則葉卷而色紫。開花極芬芳。香聞數步。初開色白。數日則變黃。每枝黃白相間。

故一名金銀花。花間曳藥數莖如絲。故一名老翁鬚。一名金銀股。冬間葉圓厚似薜荔。故一名大薜荔。花氣可愛。似末利瑞香輩。古人但以為補藥。今以治疽奇驗。

路斯馬藤

嫩葉五兩不得犯鐵器用木槌搥碎


甘草

一兩生用剉為麤末

右二味同入瓦器內。用水二盃。文武火緩緩煎至一盃。入好無灰釀酒一大盃。同煎十數沸。瀝去滓。分為三服。微溫連進。一日一夜喫盡。病勢重者。連進數劑。既去可作補藥。必然無慮。傷脾服至大小腸通利為度。

路斯馬藤圖形

又名甜藤



金散癰疽法

鷲鷲藤取葉不拘多少入砂盆內爛碾入無灰醕酒少許調和稀稠得所塗患處四圍中心留一大穴以洩毒氣早晚換盒不可間斷。

治頭腦上癰瘰川芎通氣散。

天花粉

洗淨為細末

川芎

不見火為細末

川山甲

頭項上甲炒為細末

右等分每服五錢重用瓜蔓一箇取子并肉研細入無灰醕酒一椀沍之瀝去滓重湯煎熟却將此酒來調藥食後稍空服連進數劑并用前方鷲鷲藤酒每椀加川芎末三錢重調下與通氣散更互服之及急剃去髮用前方盒法大凡癰疽服藥須是作急連進方能救療。

竹閣經驗備急藥方

石氏常服治頭風烏辛茶。

川烏

一隻生去皮

高麗細辛二錢

茶芽二錢

右咬咀作三服。每服水兩大盞。姜十片。煎至七分。臨發後連進。或嘔痰即愈。

近見挑谿居士劉信甫所刊事證方中。有麝香散茶芽湯。大略相似。但用川烏草烏不同耳。近時川烏既難得。今併載以資速辨。

麝香散治頭風及偏正頭痛。夾腦風連眉骨項頸徹腮頂疼。痛不可忍者。累有神驗。

草烏

二兩用大者炮裂去皮尖
剉如豆大入鹽炒黃色

高麗細辛

二兩

草茶

四兩
略研

右三味共為細末。每服一大錢。入麝香少許。蠟茶清調下。
茶芽湯。治偏正頭疼。惡心嘔吐不止者。

生草烏

半兩去
皮尖

高麗細辛

半兩

茶芽

一兩

右為麤末。每服四錢。水二盞。慢火煎至六分。去滓溫服。一
服取効。

小托裏散。順氣進食。排膿去毒。

香白芷

山藥

白茯苓

桔梗

瓜蒌根

甘草

右等分。共炒為末。每服二大錢。北棗一箇。生姜三片。水一

益前室六分空心服。

人有患癰疽者。每以十補托裏散爲第一藥。然數年以來。人參與銀同價。當歸又數倍之。非富貴之家。安得入口。偶得此方。頗便貧者。本出劉涓子鬼遺論。余幼子八九歲時。右腿因閃肭生膿。不_レ能針砭。曾服有效。

瓜蒌酒治一切癰疽。

大甘草

半兩爲麤末生者

沒藥

二錢半研

大瓜蒌

黃熟者一箇去皮連子切碎俗所謂杜瓜是也

右三件。用無灰酒三升。熬至半碗。放溫服之。再進不妨。欲大便略通。加皂角刺七枚同煎。

此治腋下忽有硬核。癰腫不可下臂。久則生膿。及婦人

妳癰。男子便毒最驗。瓜蒌最通乳脉。婦人有妳。乳不通者服之。乳至如泉。

治腿髀間生腫毒。名曰便毒。

大甘草

地榆

地骨皮

一名枸杞。其根即是。取生者洗去泥用之尤驗。

右三味等分。剉了和勻。分作三服。每服水一碗煎至七分。先將生烏豆一掬嚼細圍瘡四邊。令周匝留瘡口。用大葱白槌扁。與瘡長短相似。安於瘡口上。煎藥熟。即將藥滓乘熱覆蓋於烏豆及葱白之上。將手護定。恐藥滓撒落。仍乘熱服藥。却將第二服藥候藥熟。即掃去前藥滓及葱豆。別爵豆用與葱白如前法。第三服即就藥滓用片帛縛定。坐

臥任便。其瘡未結者立消。已結者易破。已破者瘡口易合。
須空心連服三次神驗。

治髭癰。人有摘鬚誤斷。忽鬚根赤腫生膿。甚者殺人。

取桑樹上耳爛嚼。盒敷一夜。鬚根可出。腫亦退。

治紫癰風。

榆樹皮燒存性。細研爲末。糟茄蘸擦。一二次即除。

治脫囊。曾有小兒發熱作驚。啼哭不已。視其外腎。則紅腫囊
皮脫去。曾用之神驗。

朱陵土

此是燒人地上赤土。約是人戶腰間
所臨之處。不拘多少。取研爲細末。

右用水調。鷲毛刷付。土乾。則嫩肉已生於裏矣。

治喉閉。膿血脹塞喉中。語聲不得。命在須臾。

用真鴨觜。膽礬。各為細末。將筋頭捲少綿子在上。先在米醋中打濕。然後蘸前藥末。令人撐患人口開。將筋頭藥點入喉中腫處。其膿血即時吐出。所患即愈。如不能開口者。只用生姜一塊如栗子大。剗一小孔。入巴豆肉一粒在內。更用麻油小半盞。安沙盆中。將生姜磨盡為度。竟以姜油灌入喉中。即時吐出膿血。其効尤速。若喉中未生毒。方覓難進食。便以葉下紅葉。同甘草少許。入蜜些子。並皆爛搗如泥。用綿子裹如圓眼大。外以線繫定。令線要長。直入喉中。以風涎出盡為度。

膽礬絕難得真者。只用薄荷一握。皂角一挺同搗。真汁滴入即破。尤為簡便。

治湯火所傷。

釀米醋。將多年舊窗紙蘸濕。輕輕貼其上。自然腫消。治蝨螫叮。

山上蕨萁葉。不拘多少。燒存性。研細末。輕粉麻油敷。治一切毒蛇所傷。

於所傷處。先用頭繩縛定。不可令毒氣流行。急用香白芷半兩。研細末。以麥門冬洗淨。連根葉濃煎湯。調前藥末服之。却急討芭楊葉一小籃。爛搗。又加生姜二十文。再搗。

如泥。將酒一椀許逗起。絞取藥汁兩椀。先將一椀更入酒半椀許。令熱和藥汁一椀服之。其滓會所傷處外以絹帛縛定。如過一二時。如前法再服一椀。不三四遍。即愈。屢用有功。

治眼目暴腫。疼痛出血。

春夏之月。人患此者。謂之天絲毒。治法最不可不審。余居江之南。有小兒忽兩眼腫起。疼痛出血。或令贖藥局中眼藥。薰洗者。徑成青盲。旁復有一人如此。偶田夫相教曰。我有一草藥。正治此證。亟取而用之。毒涎從口中流出。次日即平復。

鹽添樹葉

不拘多少搗爛成膠和面和
眼墮洗仍却以滓汁盒眼上

鷹鷂鵲鶴之類。春夏多食毒蛇。拋糞空虛間。或懸在樹梢。遇風飄揚。細如絲塵。人有當之者。則為天絲毒。此方固嘗傳得。今始信為神妙。

治腎臟風。凡陰囊濕痒。臂腕髀旁指縫。肘頭生瘡。搔起白花。不可住手者。皆此證也。

旌德草烏

肆兩不
去皮

右分作四堆。每堆入鹽一兩。先取河水一椀。不要江
溪井水却將第一堆同水入鉢內煮乾。又將河水一椀入第二堆同添再煮乾。又將河水草烏如前法。至第四堆候水乾。次第煮者欲
要生熟得宜取

出切片子。先用麻油少許抹銚內。却將草烏片炒黃色。地上出火毒。研爲細末。又入好土硃一兩。米醋糊爲元。如梧桐子大。每服四十元。空心食前酒下。如覺麻人。則減元數。不覺麻人。則增元數。盡此一料。則疾去矣。

治小兒悞吞銅錢入腹者。

羊脰炭

即炭中極小堅硬擗地有聲者

右爲細末。米飲調下。少頃。炭即裹錢隨糞出來。累有神効。亦治諸般鯁及小兒悞吞棊子者。

治久患脾寒寒熱不已。或一日。或間兩三日。或半年。或三年者。無不剋驗。

朴硝

二錢用烏盞
於火上鎔釋

右用熱酒一盞候朴硝釋時傾在酒內乘熱於當目身上
寒凜凜發作時服之闔發一次更不再作。

治男子婦人小便卒不通方。妊婦有臨月患此者累得効。

裹茶藨

二兩燒灰
存性研

滑石

半兩
細研

右同碾勻每服壹貳錢用鴈茶少許沸湯點入生麻油二
三滴服。

治一切發背癰疽延開不已須用圍住方。

台烏

研為
細末

右用蜜水調傳四邊早晚換傳則毒腫不開旋斂於中。

其効捷甚。

治一切赤腫癰毒。初發便貼。無有不散。

黃頭漿粉

炒十分黑
色壹兩

黃蘗皮 半兩灸

右爲細末。用芭蕉油調傅。

東陽陳氏專施此藥

治一切瘡癰。已潰未潰。皆可貼。

五倍子

壹兩

白礬 貳錢

右爲細末。用井花水調傅。

治下血不止。及腸風臟毒。敗證灸法。

量臍心與脊骨平。於脊骨上灸赤壯。即止。如再發。即再灸赤壯。永除根本。

治噎疾灸法。

脚底中指中節灸赤壯。男左女右。

治男子遺精白濁。起止不可者灸法。

先點丹田穴。更向上去此小。灸赤壯。臍下寸為丹田。

治湯火所傷。又神驗於前者。

或用竈底黃土。或用無名異。皆為細末。用冷水調傅。痛即定。無瘢痕。人家尤易取辦。

治一切嗽疾。不問新舊。熏喉法。

款冬花

約壹分

鵝管石

約壹分

雄黃

約壹分
之半

右為極細末。用無雄烏鷄子清調。

頭次生下
者是無雄

次將白紙方。以

所調藥刷一半候乾捲成小筒將一半無藥處撚定於無
灰火上燒濃煙直安入近喉處閉口使煙氣衝入覺必要嗽
須略忍住便以冷茶清呷數口此用先辦隨即噦出痰數口無不
差者。閉口熏壺時更記塞掩鼻孔莫令漏出

治脚氣風濕氣貫法四肢疼痛。

四味理中湯去人參加紅曲為細藥熱酒調服。

治臂痛指弱此由伏痰在內中脘停滯四肢屬脾脾血相搏伏苓圓。

赤茯苓壹兩半夏參兩枳實半兩風化朴硝壹分

右為細末薑汁糊為元梧桐子大每服三十元薑湯下余以前
紅麴理中湯併下効尤速。

治髀間發腫。此因敗精滯氣。加以陰濕。名曰髀毒。及腎癰。未散。自腰以下。一切腫毒。咸治之。

燄硝壹錢重

通臨安買益硝有鋒芒者
草店中味鹹者不可用


右為細末。用熱酒調。極空心服之。放微溫。不可太溫。不可便喫熱食。恐作吐。覓小便微疼時。是毒從小便出去。一溺便安。覓未退。再進一服。無不効者。毒作而腫甚。如蒸餅大者。亦洩去。且不用破。又不動元氣。士大夫有服之累効者。治從高墜下。顛撲閃肭。專能散血疎氣。

黃熟茄種。連皮肉薄切。紅瓦上焙干。入糖鬚。收貯。臨時研為末。入乳香少許。酒調下。能飲者以醉為度。

雖氣欲絕者急
擊牙灌入

治刀傷竹木刺破。專能止血定疼。

三葉豆。又名衛客籠。五六月採取。晒干為末。搽患處。



近秋方生子。葉厚若有微毛。大率似柿葉。與籬豆。貓兒豆相似。而非。不可誤用。

此二方。桃源張寺丞面授。累試有效。不可忽之。

治赤眼及睛疼多淚。暴赤腫者。一宗方。

宣藥雄黃解毒元量靈實下。○貼藥蛇莓草。

春間生紅莓子。不可食者。


洗淨搗爛。攤青紗上。盒眼如水。又泡真北棗。取肉。滲以腦子。

或薄荷煎貼太陽亦並用青紗體襯如當三錢大○搐鼻藥鬱金真焰硝各少許略入腦子○洗藥四物湯加防風黃連杏仁赤芍藥○服藥三黃散用黃芩黃連赤芍藥龍膽草大黃漢防已木香等分為細末食後溫酒調下○點藥帶皮生姜一塊鋤筋蕩成小穴入蜜攪勻點之蓋血得熱則散專用腦子醫家所忌虛證者當先補腎別有方法貼一切腫毒凡欲結癰癰之未成者

用酸米醋一盞皂角一條鉗碎同煎至七分以成片牛皮膠同浸梔櫟中令軟隨大小貼赤腫上

治腰疼甚至不可擡舉者

名委中穴



兩脚曲腠內。摺絡中間。尋
兩筋之中取穴。兩脚齊灸
三壯。即愈。仍倚物立定。取
穴并灸。若痛發時。灸尤驗。

治風蛀虫牙。

籬上雀梅藤。収于刀上。取油漚。將小白蟾窠。煮濕成元塞。

患處一塞一定。

治妳癰。

車螯殼

右燒成粉。為末。米飲下。生用尤妙。